



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vsvardi Martyrologivm

Usuardus <Sangermanensis>

Lovanii, 1573

Capvt XIII.

urn:nbn:de:hbz:466:1-42790

anno nongentesimo tertio; & vario vastationis genere depopulata est has regiones, per annos circiter quinquaginta. Tempore Orthonis primū aggressi sunt Lotharingiam, sed virtus Dei per merita sanctorum Vrsuari, & Ermini, apud Lobium monasterium ostensa anno quinquagesimo quinto, eos ultra prodire prohibuit. Tunc sanctus Guibertus, fundator Gemblacensis monasterij, quosdam eorum sua prædicatione conuertit, dum per vicum Gemblacensem ibant, & redibant. Altimontenses autem reliquias sancti Marcellipapæ & martyris, in terra defoderant, ne in barbarorum manus deuenirent.

Claruit eodem tempore sanctus Gerardus abbas, fundator Broniensis monasterij. qui multa templa & monasteria, à Nortmannis euersa, reparauit, potissimum in Flandria: Idem ad monasterium suum attulit ossa sancti Eugenij Toletani episcopi, sicut Guibertus ad Gemblacum corpus sancti Exuperij vexilliferi.

CAPVT XIII.

Sanctus Macarius patriarcha Antiochenus, resignato patriarchatu peregrinando in Belgium nostrum peruenit. in quo & uiuus & mortuus innumeris miraculis claruit. Anno millesimo duodecimo Gadaui peste obijt, & sua morte omnium velut mortem, Deo placato restinxit. Elenatus est ab episcopis, anno ab obitu circiter quinquagesimo quinto, præsentente Philippo Francorum rege, & alijs vtriusque ordinis proceribus.

Sanctus Arnulphus episcopus Suefsionensis, mi-

sis, militiæ cingulo accepto, multas Brabantinas atque Flandrenses lites sua prudentia diremit, sed sæcularis militiæ pertæsus ad Sueffonicum sancti Medardi monasteriũ migravit. vbi aliquanto post abbas est creatus: deinde vrbis episcopus. Inde pacis minister, pro pacis redintegratione Apostolica autoritate in Flandriam redijt; vbi autoritate Radbodi episcopi Nouiomensis, Aldenburgi diui Petri ecclesiam, vsibus abbatiae aptandam suscepit. in qua abbas obiit, anno millesimo octuagesimo septimo. Circa illa tempora, anno videlicet septuagesimo, strangulata est Gestellæ sancta Godoleua, à seruis suis, iussu Bertulphi mariti.

*Hierosolymitana
expeditio.*

Godofridus dux Bullonensis, Christianæ militiæ antesignanus inuictissimus, anno millesimo nonagesimo sexto, cum multis principibus, præcipuè Belgicis, in expeditionem Hierosolymitanam profectus, mirabiles & inauditos triumphos est consecutus. Anno nonagesimo nono Hierosolymæ à Christianis captæ sunt, & primus rex creatus est dictus Godofridus. qui vt in Christiani nominis hostes accingeretur, ducatum suum Bullonensem iam pridem mille trecentis marchis argenti vendiderat Leodiensi episcopo. Moriente autem Godofrido, Balduinus frater eius, in regno succedit, anno millesimo centesimo.

CAPVT XV.

*Hæresis
Antuerpiæ
à Norberto
extincta.*

ANno millesimo centesimo vigesimo quarto claret venerabilis Norbertus fundator ordinis Præmonstratensis, qui cum suis multum laborauit Antuerpiæ, contra detestandam seductionem
nem